

百名家詩選

小引

魏子曰昔少陵讀詩不甚喜陶而好稱庾說者
謂枯腴不同故取舍亦異余曰不然詩固有神
淺于論詞華不如深于核性情也外而觀聲調
不如內而求骨力也骨力健而性情真則神矣
余過五鹿與孔觀察談詩首推孫進士雪厓先
生觀察笑曰孫詩與子不同孫氣雄子則逸孫
詞練子則縱孫格高子則法孫意翔子則達余
惘然自失者五六日因取篋中未鐫詩彙質雪

厓雪厓不我鄙。癸細爲刪訂。于飲朱南陔則曰。
新倩于答金潛五則曰。清新矯健于顧茂倫過。
訪則曰。清空一氣如話于祝崔惕菴則曰。清穩。
高脫絕無俗氣。自是風塵外物。于訪陳蘭涯則。
曰。清綺新拔絕不寄人籬下。于訪顧思菴則曰。
美秀而文。亦復閒遠灑脫。于過路王墳則曰。悲。
壯無敵于落花則曰。寫得躡躡有致。于秋詠則。
曰。高渾似杜錢劉。不得望其項背。于墜馬則曰。
疏宕頓挫。自笑自憐。甚有奇氣。余捧讀之下。知。

爲過譽不敢自信急攜至觀察署偏袒大呼曰
雪厓之不棄予也如此則予之詩可知矣雪厓
之詩愈可知矣雪厓之詩可知則余之佩服雪
厓也豈阿所好哉觀察復執卷微笑曰使二君
旗鼓中原正未知鹿死誰手余逡巡謝不敏請
以雪厓詩問世必有不爲少陵者于陶庾均好
之也進而論性情求骨力焉則雪厓其神矣

百名家詩選

福清魏 憲惟度輯選

安丘曹貞吉實菴 宣城高 詒阮懷

新城王士驥隴西 崑山龔 賢野遺 叅

孫 郁 字右漢號雪崖元城人

獨坐

金風飄素節細雨涇檐楹纔見百舌結又聽蟋
蟀鳴年華易消歇獨坐感歎生惟此擾擾者今
古無異情懷金去故國躍馬從遠征思婦怨別

離烈士死令名赫赫宦遊子夙夜忘其貞胡將
易盡軀苦與百年爭牛山誠足鄙服藥多無成
不如一壺酒寢興寡所營

上巳

樹蘭方垂穗當春茂華滋春水清且淺及茲上
巳時采采不盈把心與古人期周公城洛邑隨
波泛羽卮昭王霸諸侯金人事可疑荀勗曾草
賦陸機曾製詩卽彼蘭亭會流觴事足師被灞
與禊洛俱在水之湄前賢皆如此胡不一繼之

春日既和柔景物復熙熙雨淫塵不起風翻柳
欲垂望望平野濶夾溪叫黃鸝彈琴又鼓缶連
袂坐清漪入唇有美酒照眼有花枝逍遙晴川
上不樂更何爲

紅葉

驅馬指孤城馬上看紅葉天半起朱霞絳雲沒
丹闕淺深色不同參差自分列展席踞其中愛
玩情不竭但聞吟絡緯不見飛蛺蝶坐久動微
吟颯颯北風發一半上襟裾一半入廣陌美人

何遲莫秋思欲斷絕豈必攬春華始爲人所悅

清明行

五鹿原上清明節柳港花塢斗魁鳩年年花店
怨東風吊古行吟心斷絕曾聞此地沙麓崩畢
萬城郭已湮沒落日荒塍哭武庚秦開東郡多
戰伐節鎮更憶開元時赤甲黃纛白羽旗雕馬
瓠子盡銷沉古道空存大觀碑清時於茲建制
府扼吭中原控齊魯軍營競製橫吹曲官妓初
學柘枝舞况值九夏正投戈烽燧不聞真樂土

春雨一犁漲春水榆柳新烟眠不起鞦韆院宇
海棠紅寒食人家飛燕子寶馬輕翻陌上塵香
風吹落墳頭紙君不見顓頊墓上野棠生農夫
朝驅黃犢耕又不見帝畧陵前草成窠牧豎眠
雲枕綠裝不如買醉大隄旁據地豪飲且高歌
青帘斜亞出茆屋一灣碧水環踈竹當爐女兒
好顏色背人偷轉橫波目楊柳門前杏花殘芳
草無情爲誰綠春去春來如轉蓬浮生夜夜當
秉燭

田家雜興

桑柘環我村，鷄犬依我戶。空林響枯槔，披露灌
蔬圃。畦平水脉通，流膏潤吾土。葵藿旣以肥，盈
疇見禾黍。倦來隨意眠，不覺日停午。睡餘嬾趨
走，門前抱兒女。遠岸臥牛羊，隔隣聞機杼。崩雷
西北來，千村飛快雨。翻悔井淋傍，今晨力作苦。

又

曉起驅黃犢，污邪載滿車。併力耘黍稷，復不遺
菽麻。又念村舍南，土肥可種瓜。揮汗鋤其中，曝

背赤日斜涼風洒然至登高望平沙青畦十萬
頃綠樹兩三家偶爾逢隣叟坐對水之涯晚鐘
沉古寺歸路見浮槎山門清更寂沿溪踏月華

又

秋林柿葉黃雨過如新沐流水貫柴門歸雲低
茅屋耕耨有餘閒垂釣清溪曲磻杵遠僅聞村
春時相續坐見紫鱗遊愛茲波紋綠泛泛手中
絲得魚願已足卽令空竿回亦不愧幽獨安能
落世網營營多所欲

又

漳南當大陸平平畧無山阜者宜種豆高者宜
黍田千疇皆一色剝棗八月天伐木深林响放
歌牧豎閒鷗鷺盈前渚一望秋水寬水淺蒹葭
蔽中有釣魚船移橈邀我過相對情依然斜陽
落樹沙生月弄潏潏

又

野老任天真不知有榮辱賦稅及時完藜藿足
充腹歲晏得休暇緝茅補淺屋至後北風嚴迎

陽坐枯木騷裏誰家兒雙雙競奔逐相顧追一
狼捋臂放金鏃雪深巨壑平一騎失前足行者
過雲嶺仆者臥空谷對此三嘆息凡事有覆餗
登清源城北永壽寺塔

沙屯百雉平浮屠迥相望千盤危磴黑絕頂驚
濤壯天風响層檐頓覺諸緣妄舉頭見 皇州
乳河皆北向黍苗入懷中秦關橫翠嶂帆檣吳
楚來萬里逐奔浪俯瞰飛鳥沒一氣秋原曠禾
黍滿故宮憑眺多惆悵圖史委河間神仙營海

上吾道不可窮茲遊庶云放長嘯倚青雲騁志
發高唱會當凌八極空彼一切相

南霽雲將軍廟

唐室遭板蕩漁陽鼙鼓起殺戮到中州陝東無
完壘壯哉南將軍來作徵兵使噬指報賀蘭一
洗秦廷耻大節在睢陽表表垂青史我來瞻廟
貌頓丘城北卑髡髻尚褰身按劍髮直指似有
遺恨存無以報天子按牒求後人零落不足紀
松栢盤陰雲伏臘崇禋祀風搖大樹根月照澄

渾裡應有忠魂在時時依衛水

登東昌光嶽樓

春明芳草生訪舊聊城下
躡屐陟崇閣塵念爲之寡
象緯挂飛檐懸伏斷瓦
烈風西北來山川落平野
泰嶽踞其左黃河如奔馬
一點齊州青萬道驚湍瀉
偃仰動餘悲放歌多瀟灑
却憶射書臺高節真堪把

過漳河望銅雀臺

朔風匹馬邯鄲道沙壘荒荒盡白草
殘陽滿地

見漁翁濁漳古渡人行少崩岸欹樹倒村屋奔
浪西來畫浩浩漢家壇時久銷沉魏武西陵焉
能保歌舞還憐銅雀臺清塵起處不勝哀香履
空聞囑翠袖豆羹相煎已見猜七十二塚今何
在誰對墓門澆一杯寒雲遠挂楓林側吊古行
吟心惻惻金馬鍔衣臥戰場當年費盡英雄力
斷瓦零膏出廢垣玉殿銅駝留不得惟有太行
如拱峙終古不改蒼蒼色

西郊樹後園限韻

雨後芳茵淨看花興倍添沙明浮綠水籬短掩
青帘野曠鶉啼樹圍空燕撲簾春光驚爛熳彩
管嫵江淹

春與吾自戀險韻且同拈鷗靜閒相並鷺酬到
處黏層波懸日角亂樹隱峰尖更掃花陰地清
光待玉蟾

移寓則誠和尚故居

避俗來山縣逃虛過化城空梁翻舊燕深樹坐
雛鸚暗惜青春去驚看白髮生知交與時序搖

落總關情

白月流高樹蒼藤過短墻草深嫌露重衣薄覺
風涼山殿丹青古習池臺榭荒悲歌何限意醉
臥贊公坊

堂邑道中

日煖春水泮雲晴草甲齊山村多亂樹官路漲
新溪縣背圍田父春沙見寡妻青甯何處聞
在小橋西

臨清道中

漫野春烟薄叢林曉日遮連雲浮塔影近水有
人家斷岸鶯啼柳空城烏啄沙東風催社雨何
處問桃花

雨後讌集培園同安靖九劉夢闢眉生慧
生分賦用袁村少席間韻

驟雨空堦响衝泥到辟疆騷人多比興逋客愛
滄浪樹密集雲氣臺平受月光最憐袁叔子倚
馬彩毫長

露重蒼苔滑烟深古木青星辰懸北極雷雨下

南溟杯酒同嵩徑行藏寄草亭何妨學稽阮潦
倒醉還醒

雨中同錢子璧鮑乃茲飲成二酉衆芳樓
用袁杜少韻

踏雨尋華館神仙洞壑幽詩追唐大曆畫並李
營丘橋短斜臨水烟濃細入樓更憐雲路近日
日許從遊

臺欹園石丈徑轉入花溪客坐亭陰外雲來郡
堞西崩雷流電火殘雨挂虹霓瀟灑杯中意仙

源路已迷

綺閣朱欄遠雕梁紫燕雙水光浮曲觴花氣散
層窓磁枕青精鉢松醪白玉缸陶然有餘興疑
是泛滄江

旄陽栖真山西竺寺同月峰上人訪寶子

明仙人遺跡

削壁開龍藏層梯路可尋飛巖懸瀑布曉日上
琪林且倚紅籐杖聊爲白石吟桐疎低欲墜竹
密細成陰客作新秋意僧懷出世心大叅諸品

外卓錫最高岑貝葉攤髭几繩牀橫素琴山空
無凡籟谷靜有鳴禽太白詩仍在子明跡未沉
石屏丹灶冷鳬嶺翠濤深塵劫連滄海浮名役
古今遙看雲起處齊作鳳鸞音

淵淵道中謁先賢仲夫子墓

黃沙沉古道馬首夏雲奇
麥浪油油動松濤颯颯
颯吹披榛尋細路藉草拜荒塋
瓦甍颺颺竄杉枯薜荔垂捫蘿
登斷壘洗石讀殘碑絃誦風猶
在詩書道未衰尼山高弟子衛
水舊車騎爲宰

稱三善升堂許一窺結纓存氣節鼓瑟憶鬚眉
裡祀春秋重關河歲月移剛明真國士慷慨是
吾師西望黎公墓南隣伯玉祠層烟迷疊岫落
日照顏渾水鳬鷗起戚城烏雀悲川原空浩
蕩禾黍自歲貳薄暮樵歌發低徊欲去遲

登岱十二首

岱宗首出闢鴻濛盤踞東方氣象雄絕代文章
生孔子百王禮樂在周公聲光不改蒼靈色渾
灝還歸造化功七十二君封禪地玉函金簡總

難窮

海氣晴連日觀峯青天壁立玉芙蓉秦碑剝落
元無字漢柏蕭森舊有封亂樹浮烟低倚澗層
陰背寺遠聞鐘太平天子懷喬嶽曾遣詞臣

代秩宗

松盤石竚路參差絕巘層巒面面奇呼吸元能
通帝座聲靈真足奠坤維白雲猶向封中起黃
氣空聞天外垂寒霧滿山人不見蓮花峯上憶
安期

青帝乘權總百神萬山拱衛盡稱臣真宗北幸
朝梁父漢武東封見老人淵道盤紆凌鶴鶴天
門翠律倚星辰雲迎蜃氣蒼茫裏却指扶桑是
近鄰

華山硯碑皆偏向南向獨推泰岱尊浪戾魚龍
喧日本雲中鷄犬叫天閣生生共識乾坤毋浩
浩難尋海嶽根不盡升沉今古事欲將無始叩
軒轅

浩劫長存古祀壇風濤烟磴幾千盤霜沉古洞

雲根斷水結陰厓石壑寒日下金閭懸白馬峯
頭玉女舞青鸞幽巖夜半生靈籟尺五天庭到
不難

芒屨竹杖客心閒散步逍遙一陟攀採藥行尋
黃峴嶺聽松坐對石閭山天孫下降聞鸞鶴王
母西來響珮環盛事休將銀管述無邊雲雨在
人間

嵯峨宮闕太清邊玉版金繩不記年欲到危峯
看日浴須從古驛枕雲眠腰間珠斗連滄海頂

上銀潢接碧天安得乘風生六翮蓬瀛只尺可
游仙

日邊北望見神京
眼底河流一線明
真有天風吹御幃
不須法雨濯塵纓
松間白鹿時來往
石上黃冠廢送迎
畢萬城頭瞻故國
暮雲烟樹總關情

蒼壁青珪出尚方
神靈百代競趨跼
燔柴有典來虞帝
風雨無情逐始皇
鞭石曾聞除輦路
占雲何必紀芝房
偶來吊古探奇勝
萬仞峯頭坐

夕陽

細雨濃雲畫不真
石龕羽客寫金經
黃河倒挂千峯白
翠嶂平分六郡青
選勝偏能逢地主
題詩端不愧山靈
窮幽坐對危巖下
澗底笙簧細可聽

白龍池上聽龍吟
海色天光落浦襟
谷口霞明連冀山
腰雲起割晴陰
飛巖挂雨千尋碧
木葉經霜五色深
客裏不知秋已盡
百年幾得此登臨

天雄懷古

非萬遺封古大名三州扼險土田平山川盡入
秦京郡鎮鑰曾傳宋北京白露橫空開木葉黃
花滿地見秋耕殘碑偃臥荒烟裏禾黍西風無
限情

唐藩割據舊稱雄指點川原近鄴東沙麓山崩
城堞改銀槍軍散陣雲空鉦聲尚咽枋頭水壁
馬徒沉瓠子宮刺史何人搜佚事高天有客賦
秋風

獨立荒城吊夕曛
平沙漠漠落秋雲
空思疏鑿
係山跡誰識荆榛
帝輿墳地逼黃河
長患水營連白馬
舊屯軍商飈何處
吹蘆管斜上青天有
雁羣

魏郡風烟接帝居
天中轉運入河渠
輕輿曉落
金沙月奇字深藏
竹塚書欲訪聞中
君子里還尋與鬼
野人墟蒹葭秋水
懷思遠錦樹幽花
不負子

霜後芙蓉病不勝
荒原日落聽呼鷹
秋山荻老

連雞泊澶水沙沉見馬陵捫蝨偏憐王景略狎
陽最憶佛圖澄鹿臺龍井俱塵土何用傷今感
廢興

水落宣防土一堆山形遠抱太行來離宮作寺
殘鐘斷古道成河巨壑哀魏博牙兵元跋扈淇
源竹箭半蒿萊寒烟亂挂漳南樹夜雨秋風問
雀臺

三晉東連河朔間豫州南控設重關城隣海岱
風猶古水下天津勢不還蝌蚪誰探蒼頡篆參

苓空老白雲
山何人辟穀
能招隱坐對
霜岩栴葉斑

蕭蕭獵騎下
荒陂野雉驚
飛衛水湄郡
縣何年環北
極圖書此日
繼南皮逍遙
愛讀莊周賦
華黍重賡來
哲詩沈謝能
文盡同調從
教漉酒醉東
籬

九日心遠樓登高
偕姑蘇顧湘佩
同學邵雪嵐袁
杜少賓松濤張
蘿庵芹溪劉培
園仲迪季同黃
志伊毅齋成仲
謙卽用

重陽二韻分賦

秋園霜落剪芙蓉紫翠含烟幾萬重雲壓層城
街夕照寺隣流水響疎鐘茱萸細泛吟紅葉關
塞遙連見碧峰同學五陵俱善賦探珠誰復得
驪龍

斜風細雨又重陽何處登高不斷腸西去山光
沉漠野北來秋色老滄浪寒花抱葉依蘿磴木
葉吟風下藕塘百尺樓頭堪縱眺雲邊形勝控
齊梁

閩中魏惟度同江右吳星若過訪以補右

倉詩選見惠卽贈

十年垂老濁漳濱
皂帽青鞵作酒民
好古山人逢魏萬
能文才子羨吳均
千秋詞賦聲稱重
五嶽雲烟杖履親
閩海匡廬君舊業
西南形勝得高論

宋荔裳按察出揚州泛長江之任成都得

近體五章却寄

乘輅使者下邳溝
萬里滄江賦壯遊
鵬鶚盤雲

迴斷嶺旌旆抱日鼓中流青山綿亘形如畫錦
水凋殘計可憂溟渤光搖天北極不知何處望
神州

憶昔逢君當九日登高貫酒醉平原縱橫巨手
如閭謝綺麗新詞過宋元七葉弓裘懸海岱兩
行桑戟下夔門浣花溪上林塘好子美文章許
並論

沱江水濶畫溟溟益部天空入使星棧閣雲沉
諸洞黑岷峨雪壓亂峯青兵戈今已消群寇痼

瘳何由報內廷坐待牽帷勞撫字藩宣猶見古
儀型

劍門秋老白鹽寒叱馭休歌蜀道難龍臥澄江
驚急雨猿懸古木挂飛湍烽烟乍息殘黎少稼
穡深荒野水寬鴻雁嗷嗷悲鐵羽何人獨對月
中看

執法臺前水鑑虛風流更憶宰官餘青絲籠貯
桐花鳳赤玉盤擎丙穴魚退食時吟司馬賦行
遊定訪拾遺居平反共信無冤獄藉甚聲名在

禁廬

素園讌集孔心一憲副限韻

逍遙公後世承恩舊有湖山在素園兩代絲綸歸掌握春風夜雨長蘭蓀

亂樹牽藤怪石蹲清陰半畝水潺湲沙平籬短
溪紅雨畫船青帘江上村

叢篁解籜迸龍孫石上青苔帶雨痕幽鳥狎人
啼不住溪邊桃李更無言

高柳踈松積翠繁八風亭下宿紅鴛四圍烟雨

環春水一部笙歌花

聊睨雲連暮靄屯嚴城鼓角動黃昏紅燈影落
清波裏戲水遊魚不敢吞

鄭懷橋別墅看梨花

清明過雨柳條新谷口來尋鄭子真夾峴梨花
三百樹年年花發倍愁人

風捲梨雲片片飛半隨柳絮點人衣花開花落
尋常事莫上城頭吊夕暉

小引

魏子曰余將入魏息馬衛源部學憲雪嵐亦停
驂相與詠竹竿茝蘭之什握手而詢曰魏之詩
人有能振十八章而起者乎雪嵐笑曰郁哉離
離乎畢萬之墟劉爲大傑才輩出儀部培園其
選也迨訪孔觀察心一于魏署詢如之觀察復
掀髯微笑曰培園培園云余因得持刺謁先生
之廬求所爲振十八章而起者先生出十數冊
見示曰葛屨伐檀魏風人曷足多哉余逡巡捧

讀浣薇而手錄之曰其敦厚也似陳拾遺其韶
秀也似王汜水其沉鬱頓挫也幾幾乎比肩浣
花野老矣公家中郎將尚倒戈而逐彼希冀夢
得寧不避舍焉因取邵選定本與觀察裒而益
之曰此雖不足盡培園而培園實見端于此

百名家詩選

福清魏

憲惟度輯選

嘉善曹爾堪顧菴

新城楊日升集虛

曲阜孔胤樾心一

東明袁佑杜少

叅

劉元徵

伯誠號夢闢大名人

舟中望敬亭山

昔聞敬亭山今泛宛溪水落日下峯陰倒影浸
寒泚歷歷賢豪迹悠悠年代裏長嘯懷古人歌
石群陽起

暮秋北旋張企鵬汪聲耳成我孚送至雲

陽北望湖亭作

榜人欲解纜踟躕步城陰戀戀居人意悽悽行
予心相送不忍別同舟及前林婉轉依河壖緬
邈眺蒼岑秋陽耀原陸草木氣蕭森寒衣陟累
榭曠望清煩襟森森澄湖色暖暖夕景沉遙指
江路永彌覺離思深賞心從此隔佳期杳難尋
前途誰共酌濁酒慰獨吟

早秋月夜同黃小重孫右漢集成仲謙水

柳觀蓮

營蒸殘暑滯爽豁清夜幽誰爲乘日養聊作秉
燭遊主人展宵宴召客城南阡深柳何鬱鬱樓
臺夜色浮參差映華薄曲折引芳洲敞榭臨曲
岸孤嶼峙中流列坐水次靜溪冷晚風颭玉露
零午夜紅蕖媚早秋絳雲時飄揚月出積靄收
浮光驚栖翼流輝躍潛蚪坐久河漢轉不覺刻
漏悠陶然忘主客爲君永夕留

夏水行

鬱蒸六月炎威迫行天赤日方赫赫已嘆焦生
石圻煙誰堪暖抱溫泉液三庚尚伏陰未生何
來盤內有凝冰頓教寒燠失時序使我對之疑
且驚峰巒面面珠玲瓏環溪清水亦淙淙金鋪
翠幌清風起綺席雕甍暑氣空佳人袖拂金錯
刀鏗鏗碎響紛瓊瑤旋注清泉沉玉李還分餘
液泛香膠清澄沁人心脾爽冷然如作御風想
杜老徒思赤腳遊漢帝空勞承露掌我聞雪山
峻峭峙金天寒水終歲白依然又聞藐姑峯高

上霄漢仙人環珮玉珊珊何似蒼水滄龍長
懷萬里費躋攀四氣乘除各有時代永吹律古
來知陰陽原賴調燮力始信功成造化移

驅蝗謠

驅蝗復驅蝗蝗來正未止棲處旣鱗次飛時亦
柳比閭里相依甘苦同如何驅蝗彼田中郎令
山川異郡縣我歌人泣安忍見君不見漢家天
子憫災荒冠蓋使者道相望彼介而翼爭翻飛
捕之無益驅何爲但願雨暘常調和蝗復爲魚

遊碧波普天同賡華黍歌

涇縣道中二首

宛陵南去路合沓萬峰開怪石當人立亂流逐
馬迴人家依嶺側易道上雲隈絕澗蟄龍臥風
雷中夜來

山嵐望不極身漸入雲中峯起地疑盡嶺迴路
轉通清流觸石怒密竹倩煙封跋涉誰言苦登
臨興不窮

登京口玉山清音閣

策杖躡江巘臨風倚梵樓秋天出遠樹夕照見
歸舟清磬雲中發驚濤檻底流坐來塵境隔疑
是御風遊

萬佛閣下步月

古殿肅陰陰喬松大十尋深秋霜氣滿清夜月
華臨風急沉城析天空流梵音時聞北雁至搖
落動歸心

燕至

社燕當春至飛飛意若傷經年當道路閱世異

溫涼祇嘆飄搖室誰期玳瑁梁
鷓鴣何爲者托迹一枝長

園中曉起簡胡濤公

侵曉輕陰合疎林涼吹飛
城煙輕幕樹竹露冷
霑衣舊句刪難定宿醒解漸微
高人能共此塔坐並忘機

七夕同企鵝右漢小重晚集分賦

暮靄收殘雨空園響枯枰
破雲新月吐抱葉晚
蟬號秋氣停杯入星文倚望高
莫論乞巧事迂

拙自吾曹

齊河道中望泰山

合沓群峰翠色開，岱宗南望獨崔嵬。
歷朝禮樂延遊地，曠代文章封禪才。
晴色天門明匹練，晨光日觀隱蓬萊。
遠遊獨抱盧敖興，留滯誰生太史哀。

張受庵太守招同卜郡丞任別駕林總戎
遊海廟飲蠡酌亭

鼉風小隊海雲邊，長嘯登臺列綺筵。
寒湧波濤

青接漢晴開島嶼翠浮煙丹青廟貌藏圭璧剝
落碑文歷歲年勝地良朋堪晤對清歌妙舞且
流連

張韞璘銓部招飲萊城南平雲樓

郊園迎秋雨過時主人開宴晚涼宜日邊舊識
山公啟林下今陪謝傅恭傑閣嵐光爭入座曲
池花氣暗侵卮天涯握手忻歡聚月上山城歸
騎遲

予於初秋至丹陽右漢前數日已往旌德

未及一會悵然賦此

樽酒東郊醉暮春西陵曾約泛芳蘋到來踪跡
關河隔別後音書夢寐頻梓嶽白雲隨杖屨
湖寒水照綸巾山川處處題名遍每誦新詩益
愴神

雨中姜宗伯園看桂花

搖落深秋旅客愁同人永日事遨遊歌成叢桂
堪招隱詠就滄浪欲狎鷗樹裏樓臺開白日雨
中煙霧抱寒流不辭芒屨蒼苔濕竹外銀鞍駐

紫騮

龜日安靖九枉駕小園因贈

京洛當時憶舊遊飄零華髮共滄洲經年青玉
傳書少一夕詠樽發興幽瘴海風煙遷客淚湘
潭蘭芷楚人愁相看欲採寒花贈寂寞清霜百
卉秋

初夏成仲謙北園看芍藥

背郭園林面水涯逶迤野迳引平沙花開畫敞
青油幕客到門嘶白鼻騮風冷松杉含宿雨日

晴樓閣帶殘霞流連不厭頻移席坐久高城叫
暮鴉

寄送奉常錢丈奉使廣寧

幾歲清班拜太常禁闥日侍御爐香使星暫
指山川外鄉月還依霄漢傍地險關門三輔接
天迴馳道兩京長臨邛負弩爭相候返轡能無
過故鄉

宛陵道中夜行

炎暑時方熾聞鷄早就程亂峰乘月出遠水帶

星明竹暗知村近
鳥啼覺曙生
高林初日照已
達宛陵城

七夕集王文無報恩寺寓齋是日立秋

畱滯江鄉嘆遠遊
良晨樽酒足忘憂
一聲清磬
諸天靜四面
晴窗小閣幽
老去行藏羞乞巧
愁來詞賦只悲秋
亦知信美非吾土
日暮停雲共倚樓

九日登文選樓

令節誰同酌
異鄉獨倚樓
山川自勝地
風雨正

清秋遠樹接瓜步亂峯山潤州蕭梁遺舊蹟
古問東流

書永城店壁

搖落天涯鄉思催倦遊歲晚却歸來一帆煙雨
江淮遠匹馬雲山河嶽開日照孤城寒霧歛沙
飛野店朔風哀停車欲訪鄒枚侶草木荒涼圯
舊臺

題王兩若廣文夕佳草堂

草閣臨幽地蕭然野興長談經吾道貴東帶世

情忘峰嶺窓中翠花飛坐上香憑誰稱吏隱自
署比柴桑

主北山給諫枉駕園中留飲用曹秋岳司

農九日韻

幾歲相思夢寐勞清樽永夕共吾曹風迴葭浦
飛鴻遠夜靜霜空孤月高上客風雲懷魏闕野
人蘭芷擷江皋誰憐騎省當時客飄泊安仁已
二毛

宿蒲口

山下江流望淼茫
山頭樓雉鬱蒼蒼
客來支枕難成夢
一夜潮聲萬里長

廣陵逢張公調

江上西風落葉秋
逢君握手減窮愁
竹西明月歌聲滿
且典鸕裘上酒樓

乙巳除夕

臘盡江湖春欲生
年華荏苒獨含情
孤城水雪風光轉
午夜星辰斗柄橫
閉戶深山身漸老
懷人開塞夢偏驚
東臯歲事關心切
明發占雲在

杖行

許青嶼侍御枉顧山中卽送之北上

暫喜班荆慰索居旋驚折柳問徵車
南來舟楫停青雀北去風煙遶玉除
臺栢蕭森秋色外宮雲葱鬱漏聲餘
十年交友晨星散霄漢能忘數寄書

何建晉侍御枉顧山中予舊與何同爲比部郎

臥病經年閉戶深驚聞軒蓋到園林
柴門久絕

交遊屢上客能存故舊心近喜南床推獨坐舊
憐西署許投簪山中欲采秋英贈芳荏難禁露
氣侵

閨情

落盡殘花春日遲
瑣窓不語獨長思
萍開碧沼羞窺鏡
雨洗青峯學畫眉
寶瑟淒涼悲自語
錦機斷續倩誰知
相逢莫采蘼蕪草
當日恩情已
時移

過大名舊城

畢萬遺封舊滄桑幾歲遷川原秋色外禾黍夕陽前碑版埋荒草樓臺橫野煙賢豪往代滿憑眺意悽然

初秋客聊城聞諸友衛河泛舟因寄

挂席浮秋色迴舟載月明白鷗閒不去紅蓼遠相迎簫鼓灘聲靜琴樽野望清飄然羨李郭遠客獨含情

九日同沈懽仙遊府暨諸同人城東甘泉寺登高

近郭招尋渡野濠元戎小隊駐蘭皋孤城煙繞
晴光澹萬樹風含秋氣高却喜登臨還戲馬自
憐文字愧題糕遠師曾作蓮花社何事于今斷
濁醪

寶地煙霞物外幽經時騎馬復來遊因逢載酒
陶家會轉憶悲秋楚客愁倚杖城邊楓葉暮懷
久河上雁聲秋燕山此日風光好祈穀壇西萬
木稠

戲贈菊仙較書

久羨丰姿秀可餐嚴霜不怕九秋寒重陽曾飲
茱萸酒知是長生賈佩蘭

春日同黃小重孫雪崖飲小園

輝輝暄日長冉冉春雲福欣欣萬木榮霏霏初
雨霽寢疴日屏迹荆扉經旬閑散帙聞鳥啼開
樽喜客至臨溪攀弱枝穿林摘芳蕙晷運無停
軌誰挽羲和轡繁花爭一時嫣然各自媚擾擾
百年內汨汨役愚智良晨不易逢何事懷百慮
取樂貴及時逍遙隨所寄願君愛景光短章聊

申意

辛亥七月八日風雷大作雨未霑足聊賦

短章志慨

久旱炎蒸鬱初秋雷電來枯苗耳雨少老樹急
風摧終歲公私困三農日夜哀積陰涼吹早白
露已相催

辛亥中秋邵凌玉以修郡誌至社集分賦
青楓白露晚生寒華館客來足盡歡玉魄團圓
今對酒青萍離合念加餐鵲翻河漢驚宵永桂

放巖巒惜歲殘厨俊千秋須品定汝南月旦待
琅玕

秋夜邵凌玉袁杜少集小齋分賦

日落荒園宿鳥還聯鑣有客到柴關霜前細菊
經秋發燈下清樽隔歲攀聖世名詩推粉署暮
年生計共青山老來屏迹惟高枕此夕逢君一
破顏

咏白菊

盈盈當晚節皎皎抱寒香西候來金氣東籬帶

素商今看凝露白
舊摘愛花黃爲報
匡君社原
連閣令庄

飲錢仲和書館

初冬晴日減嚴寒
霜柳拂墻葉未乾
風響桔槔
深院靜鴉啼睥睨
暮煙殘門無塵事
常枯坐架
有奇書許共看見
說左思饒賦筆藝
林聲價重
琅玕

二月二日晨起對雪
念凌玉客金灘因寄
層陰不散晚難晴
細雨能催急霰生
夜聽北風

吹凍澤朝看朔雪照春城寒深沙草迷歸雁水
結林花怯囀鶯爲念羈懷應有賦村沽旅館獨
含情

凌玉自歷下回旋有事平于夜集小園諸
子散後復酌月下話舊

素友經年嘆轉蓬花時相見且從容巾車夢遶
潯干渡蠟屐雲生歷下峯客散洗樽憐夜月談
深捉塵動晨鐘驚心往事空回首聯騎曾吟右
掖松

仲春郊遊晚集美中齋劇飲時有雙鬟佐
酒限八字

北郭池臺鎖碧筠重來又是一年春風煙入望
晴初放雨雪經時柳乍新挾瑟邯鄲逢趙女和
歌荆楚愧巴人陶情老去惟綠竹不厭樽前屢
舞身

春日孔心一觀察携具天雄書院之文昌
閣同凌玉雪崖企麓雅集

十年落魄釣滄洲舊雨魂消韋杜遊忽報繡衣

能命酒相携白袷一登樓鳥啼深院春光靜日
落高城暮角愁却喜時平絃誦滿使君樽俎自
風流

春日集雲石堂限花字

城郭春陰細樓臺暮景斜深松寒帶雨新柳晚
啼鴉詞客吟芳草佳人怨落花樽開任爛熳老
倍惜年華

綠牡丹

國色天香誇異姿歐家新碧更爭奇影翻翠葉

花難辨香抱冰心氣自知對酒畫堂開綠野揮
毫石閣憶青藜曾看五色絲綸在坐使春風色
相移

綠芍藥

吹盡殘紅啼鳥催綠陰新滿報花開鉛華恐被
春風悞衫袖并同秋水裁鄭女摘來連蕙葉謝
公詠就並林苔生平慣聽別離曲楊柳蘼蕪意
自哀

秋日之金佛寺同雪崖馬上口占限晴字

荒阡枉陌背高城
渚柳汀茅蕩午晴
秋隴牛羊眠草細
寒塘鵝鴨泛波清
村孤樹裏聞鷄唱
寺近風前落磬聲
不厭紆迴迷野逕
翻恣吟眺得遐情

安陽道中望太行山

倚棹安陽渡
迎人行旆秋
青霞銜日落
丹嶂插天浮
巢鶴松巖夢
鳴泉乳竇流
遙憐幽絕處
欲作采真遊

千岬秋色靜
萬壑晚晴新
形勝連山海
輿圖跨

晉秦嶽巖蒼檜老和潤紫芝春長情思中散依
稀想異人

宋荔裳按察四川時過富門山大江潮
三峽攜家之任因寄

簡書重捧自天高西去蠶叢不憚勞
鴻雁漸歸白雪戍鯨鯢久息錦江濤
官懷蹇名逾重萬里馳驅賦轉豪
簿領餘閒還載酒浣花溪上駐
旌旄

岷江東下連滄海峽水西來接錦城
萬里攜家

卷之七十五

六 枕江堂

落千峰鼓泄水初生賜環雨露長沙詔叱
馭風波蜀道行回首秋雲萊子國久
時盟

小引

魏子曰癸丑日行南陸鬚髮如焚策蹇星行過
相邑止焉潤丘楊先生下榻宛在菴一場綠楊
兩泓碧水明月清風足開懷抱忽投我澹園詩
一帙噫此園真澹哉恍冰綃萬丈浣我十斛軟
塵矣因痛恣丹黃緘寄心一孔觀察曰菴痴之
嗜固是奇癖決無有不嗜梨者嗜梨決無有厭
哀家者宣樓爲楚名宿與潤丘伯仲其爲詩清
永雋拔不襲古人牙後句剪雲衣氣吐霞彩浣

讀之下真如噉哀梨僕恨馬首不能悉載欲絞
其汁貯以白玉壺供太青案前日飲少許以代
瓊漿望酒池肉林且如嘔矣先生素有清癖其
以爲然乎急爲我讀竟付梓勿遲至薄暮風生
羿妻且竊而奔矣因述以引其端

百名家詩選

福清魏 憲惟度輯選

曲阜孔胤樾心一 婁縣王頊齡顯士

嘉善郁之章光伯 南城吳學炯星若

叅

楊州彥

字宜樓當陽人

溪上吟

山在溪邊樹當山缺創景于溪波相曲折而我
兀然幽思澹絕

嚴先生子陵

東漢之興光武特處咄咄嚴光羊裘澤渚帝曰
子陵我難下女豈惡富貴豈樂賤貧高祖盧綰
年月同辰少壯相愛老大君臣何如先生至今
故人

雜詩

築室終南下不採終南藥何以養性年不憂亦
不樂誰知春風溫誰知秋風惡嗟彼神農草感
之成開落寄謝山中人死草何堪嚼

物生各有性耳苦不相習斷茶續以薺薺傷茶

亦泣泰山十八盤下有如拳石誰能持此心向
人受損益

積雨使人幽曠然獲所止萬慮自丘山秋風吹
野水大道胡浩繁尋之有厚委理身如理髮慎
獨稱君子

肅肅秋氣深颯然入毛髮微風吹柴荆遙見寒
山月老僧昨夜中磬聲遍清越誰識林藪間幽
意殊未歇

古意

雞鳴高樹顛遊子束裝去借問來何時此去向
何處衣裳未可牽縱橫皆是路陰雲覆高岡不
見前村樹入門固多愁出門何所慕妾是三春
花常畏三春暮

秋夕懷栗長伯

微雨歇山阿寒光落水澣秋風自作聲不知宋
玉苦緩步踏荒塗道狹雜榛楛誤觸螢火飛始
悟草未腐顧念諸有情啾啾相儔伍持此一寸
心誰與余終古

悼梅詩

章臺寺古梅不花不子近忽抽柔條以
艷遊者不數年爲武夫斫去賦十二韻
悼之

章華老梅根歲月弗能紀歛精自閬寥傍此荒
臺趾春風吹不開秋風吹不死憶得昨年暮古
心忽孩孺柔條漫作花倒挂枯虬樹如彼鐘漏
鳴夜行不知路寒燈欲滅時摇曳孤光露玉步
暗將移英明盡氣數物性旣反常鬼神亦不護

健兒持利斤楚靈未敢怒斧聲雖不揚遙向空
林度雜汝械櫟間泣對何人訴

和鄭友韓美人睡起

雙腕忽伸半面紫楊妃曉夢初驚起席上餘溫
猶未已呼向枕邊覓墮珥

秋夜聽洪大讀離騷

秋風蕭瑟氣凜冽無憂使人腸斷絕阿誰向我
誦離騷一章未竟三嗚咽當年屈子怨何深紙
上而今純是血蟋蟀堂西堂左鳴湘君山鬼牕

後積與君攜手仰看天是處星辰一帶白

寫懷

青燈熒熒照幽獨四坐無聲宵窈窕
有一年當初不料今碌碌稽康稽康抱琴來爲
我瀉盡西泉瀑漸離漸離酣醉往爲我擊碎南
山竹我翻古人書漫滅不可讀我歌古人愁頭
緒不勝哭燈熒熒照幽獨

懷張恪

酌盡一尊酒徒然倚敝廬江聲流到夜月性迫

如虛復幾故人在兩年音信疎單衾寒共覆昔
我未離居

同友人夜酌

千古英雄局掀髯一笑中沛公三尺缺范蠡半
檣風席卷空譚夢燈吹不聚蟲君平緣底事瑣
瑣說窮通

栗長伯述龍洞寺奇勝遙成四韻

龍洞何年寺傳云峭壁懸小分三峽影亂湧
堆泉山鬼迷幽壑清猿嘯遠天兩峯長欲合愁

白老僧巖

燕臺初雪昔駕幸薊州

楚客懷歸夜燕山
雨雪初寒侵千里
夢白盡一
牀書滅火全冬
氣呼醪傲茗疎
不勝高處冷行
在役何如

夢逸書復獲

散帙逸何處夢中驚復存
經年不手澤入夜感
精魂重惜新汚抹
翻憐舊指痕
曙牕寒未啟惆
悵隔黃昏

酷暑

酷暑移風性吹來暑作燁就林欲夢雪塞牖怯
窺天寂感生空響隙光著地圓偶然如有悟依
舊不成眠

野菊

芸黃花葉發蒿蓬間種猶傳與菊同蕊小易簪
宜短髮香多能散敵秋風容甘澹盡寧名野寄
耻籬邊白作叢爲想當年陶處士醉魂曾否在
其中

龍泉寺謁胡文定公墓

皂帽青衫拜棘叢，忠魂應繞舊丘中。
循環治亂今同古，宛轉艱難我夢公。
龍老臥殘徒噴沫，松寒禿盡尚號風。
深山是處傳豺虎，愁近黃昏山月空。

賣驢余北上乘此歸來賣之

常時恨爾四蹄頑，此去依誰定不還。
來往羣隨大宛種，艱難西踏太行山。
過橋寧許騎詩叟，負磨莫教賣老慳。
却憶少陵憐病馬，沈吟未覺也。

酸顏

如如菴劉延叔見過云其得余書友人扇
頭詩願與訂交併投四韻

當年紈扇漫書時寧料君與願見思兩姓祖宗
隨紙墨終身朋友拜鬚眉共依榻影消深夜未
了名根有贈詩野寺寒燈殊不寂蒼蒼曾照幾
男兒

遊蒙惠泉

源出自陝中蒙寒
惠溫相距數武

山麓從來此水泓誰分蒙惠兩泉名參差楚陝

通消息咫尺溫寒別性情積石迸珠雙鼎沸遙
天挂雨一絲輕登臨最憶黃山谷題盡殘碑傍
圯城

睺眺西山

畫工爭畫此山容薄莫蒼蒼王氣鍾返照亂衝
遙望眼層巖疑礙晚來鐘指君細數尤高處載
酒偏宜那一峯却憶玉泉別業裏瞑煙染就萬
株松

咏香櫟

朱邑侯索咏

日南舊傍月黃昏垂向茆亭結老根橙欲受降
安僕妾橋應羅拜認兒孫寫生嶠領味千顆偷
句人衣香一團就掌倩誰紅袖裹丁寧莫便與
溫存

送朱叅軍渭玉

并序

朱渭玉叅軍率一旅師蒞止當陽與余輩訂
交酒止茗香徜徉頽笑不知何者爲主客康
熙元年正月奉

天子命移鎮九溪惜別矣弱柳依風千條萬縷

布帆一挂直指岳陽此間豈復有朱潤玉耶
短歌佐酒怨不成聲漫書紙上使它日偶一
展卷胸中眼中知此潦倒數行書出自其故
人筆下耳

迴立龍媒錦幃泥移時踏遍草萋萋縱離舊侶
逢新侶忍別青溪過九溪水泊軍艘成市井風
搖鳥隼動虹霓簡書不爲懷人地攜手蒼煙任
馬嘶

晚宿山家

幾度長安耻問津
搖鞭前指一村春
衝寒下馬慚賓客
傍晚依誰甚
主臣鶴似老翁低
坐石雪名白犬喚隨人
問堂兒女茅柴酒
悔盡浮名誤此身

堆藍山和梁麗生咏

到處名巖推險峭
堆藍翻以樣成尊
安禪趺坐降諸衲
短髮蒼顏俯衆孫
亂石觸泉醒鶴夢
暮雲匝樹冷山魂
幾時移向清聲裏
小結茅亭側掛門

黃鶴胎霜中詩不出霜字漫和之

秋深愛月坐秋庭玉兔寒毛碎落襟露作老容
依菊蕊雪將輕卒戰楓林帶來驄馬三分面寫
出孤鷺一寸心爲語行人莫漫踏板橋痕待畫
中尋

壽陳和裾尊人八十初度

疎林梅作將春氣此際先生倒玉尊歲已廿年
浮甲子眼看高祖到曾孫自燒筍菜呼鄰叟不
杖藜筇過遠村可是圖南真性在只今苗裔有

仙根

登高遠望

踏到孤峯頂連衣臥石頭誰家橫嘯處出樹盡
成秋

劉步鳴佩刀

七首縣秋水霜寒發短歌若從燕市過再莫誤
荆軻

尋山

曉起踏空山信步穿山樹薄暮不知還解衣坐

疑路

漫作

鐵石爲我心背着春風墮不聽賣花聲不洒落
花淚

投湖上人家

茅屋參差傍水湄野麗吹客繞疎籬老翁指我
石頭坐自去溪邊理釣絲

寄西湖友人

聞道君家茅屋處開門日夜是西湖能將一幅

溪藤紙澹寫湖光寄我無

少年行

日日青樓臥錦衾偶然踏月作商吟
驚人繡戶三更啟錯挂珠簾碎玉簪

黃子師戲抹墨汁塗醉美人菊花

誰將墨灑菊叢中醉美人花污淺紅
直似孟光依本色不應朱粉嫁梁鴻
果是佳人醉倚亭栢捲不勝喚難醒
垂頭搔散芙蓉髻覆面香絲一片青

醉葉從茸籬下寒阿誰淡墨掃妝殘只憎變白
渾爲黑多恐靈均不肯餐

陶家廬結傍山隈何處白衣送酒來嬌怯不勝
柔落氣到門酩酊臥蒼苔

楊妃昨夜宴西宮一斗蒲陶滿頰紅不省侍兒
扶進去玉山頽倒碧紗中

邯鄲咏黃梁睡象

斗許風塵撲面吹夢中人笑夢中癡拙工不解
盧生醒猶貌盧生未醒時

贈歌兒

女兒顏色女兒喉一樣嬌痴一樣羞直恐幻成
真粉黛環多腕弱爲卿愁

一曲霓裳汝試聽銷魂着假似娉婷譬如處
真山水却愛丹青挂壁釘

咏闌草美人

闌草臨窗欲闌時輕裾挿袵步遲遲使君五馬
踟躕看一幅周南采芣詩